

Naqqiut

Siunnersuut 23. august 2018-imeersoq taarsilerpaa

Peqqut

Siunnersuutini kalaallisoortani – qallunaatoortaanilu assigiinngissutitaqartoq ma-
luginearpoq.

Siunnersuutit assilisartai marluullutik assigiinnik oqaasertaqassammata aaqqissuunneqarput.

Siunnersuummut nassuiaatit

Nalinginnaasumik nassuiaatit

1. Aallarniut

Biilinu innaallagissamik ingerlatilinnut, brintimik ingerlatilinnut aamma plug-in
hybridbiilinu akitsuutinik akiliinngikkallarnissaq kontomut pingaarnermut 24.11.10 aamma
24.11.11-mut oqaasertaliussat naapertorlugit 1. januar 2019-imi atorunnaassaaq.

Biilit innaallagissamik ingerlateqartut ineriartornerat siuariartorluartoq nunarsuaq
tamakkerlugu takuneqarsinnaavoq, ilaatigullu illoqarfinni annerusuni arlalinni biilit
dieselimik ingerlateqartut atorunnaarsivinnissaannut suliniuteqartoqarpoq. Assersuutigalugu
Kinap, Frankrigip Tuluillu Nunaata 2030-mit 2040-mut biilit benziinamik dieselimillu
ingerlateqartut inerteqqutigineqarnissaat siunniuppaat.

Biilit innaallagissamik ingerlateqartut Nuummi illoqarfinnilu anginerusuni allani qamutinu
motoorilinnut nalinginnaasunut sanilliullugu ullumikkut atorneqarsinnaareerput.
Taamaammallu biilit innaallagissamik ingerlateqartut ilimagineqaqqaartumit siusinnerusukku
biilinu annertunerusumik akuunissaat naatsorsuutigineqarsinnaavoq. Tamanna
tunnngavigalugu biilit innaallagissamik ingerlateqartut, brintimik ingerlateqartut kiisalu plug-in
hybridbiilit ulloq 1. januar 2019-imit atuutilersumik akitsuusersugaalernissaat
aalajangiunneqarpoq

Isaterinermut ajunngitsorsisitsisarnermut aaqqissuussinermik pilersitsinermi biilit nunatsinni
illoqarfinni nunaqarfinnilu inissiinnarneqartartut ajornartorsiutaajartornerat tunuliaqutaavoq.
Biilit inissiinnarneqartartut tassaanerupput atoqqinneqarsinnaanngitsut. Biilit normuat
peerneqartarpoq biilitaasalu normuat kiliorlorlugu ersigunnaarsinneqartarluni. Kommunit
biiliniq igitanik passussinermi akiliisitsisarnerat taamaaliortarnermut pissutaagunarpoq.
Taamaammatt kommunit tassaagajupput biilit avatangiisinut mingutsitsinnginnissaannut
piivinneqarnissaannullu aningaasartuutinik tamanik akiliisariaqartartut.

Biilit igitassat katersorneqartarnissaannik Kalaallit Nunaanni aaqqissuussisoqarnissaa kommunit KANUKOKA-llu piffissami sivitsortumi ugartortarpaat. Tassuunakkut kommunit biilini atorunnaakkanik passussinermi aningaasartuutaat matussuserneqarsinnaassapput kiisalu biilit kommunini tigooraaffinnut tunniunneqarneranni piginnittumut akissarsiaritit matussuserneqassallutik. Biilit avatangiisinut ulorianartussaajunnaarlugit passunneqarnissaasa kingulliulluni piginnittuumut isumannaarneqarnissaa aaqqissuussinerup qulakkiissavaa. Periuseq biilini piginnittup kingulliup kommunimi tigooraaffimmut tunniussinissamik qulakkeerinissamut kajumissuseqalersitsissaaq.

Biilit igitassat katersorneqartarnissaannik aaqqissuussinissap kingunerissavaa biilini piginnittut qamutitut motoorilinnut ukiumoortumik akitsuummik akiliinermi atatillugu nunatta karsianut qamutit motoorillit isaterinermut akiliummik akiliisinneqartalernissaat. Taarsiullugu nunatta karsia biilit igitassat katersorneqarlutik passunneqarnerannut kommunit aningaasartuutaannut, assersuutigalugu Avatangiisinut Aningaasaateqarfik aqutigalugu, matussutissanik utertitsisassaaq. Piginnittut taamaallutik biilit atoqqinneqarsinnaajunnaarpata akiliisitsissutini akiligassinneqaqqingikkaluarlutik kommuninut tunniussinassavaat, taassumalu saniatigut qamutit motoorillit tunniunneqarneranni isaterinermut ajunngitsorsiassanik pisassallutik.

Siunnersuut una qamutitut motoorilinnut akitsuutit allanngortinneqarnissaat siunertarlugu suliamut isumaliutersuutinullu attuumassuteqanngilaq. Tamatumunnga tunngatillugu ilu-arsaaqqinnissami utaqqigallarneqarpoq biilit typiini akuersinermi biilit orsussamik atuinerannik uuttuisariaatsip nutaap naammassinissaa, taanna taaneqartarpoq Worldwide harmonized Light vehicle Test Procedure (WLTP), kingusinnerpaamillu 2020-p naalernerani naat-so-suutigineqarluni.

2. . Inatsisissatut siunnersuutip imarisai pingaarnit

Politiit biiliisa qamutit motoorillit akileraarutaannik akiliisussaanninnerat inatsimmi erseqqissarneqassasoq siunnersuutigineqarpoq. Tamanna maannamut periaasiummik inatsimmut ilanngussineruvoq, qamutimmi motoorillit akileraarutaat akileraaruseriffiup politiit biiliinut tunngatillugu akiligassiisutigisanngimmagu. Taamak periaaseqalersimaneq politiit annaassiniarnermittaaq imaluunniit annaassiniarnermut assingusunik amerlasuutigut suliaqartussaasarnernik, tamannalu § 1, imm. 2, nr. 1-imi pineqartunut ilaasutut isigineqarneranik pissuteqarpoq. Politiit biili annaassiniarnerup saniatigut allarpassuarnut atorneqartarput, soorlu alapernaarsuinerup imaluunniit isertitsivimmiittunik tigummigallagaasunilluunniit angallassinermut.

Tuttuuteqarfiit savaateqarfiillu ilaasa nunaqarfiit illoqarfiillu killiisa iluanniissinnaanerit pissutigalugu qamutitut motoorilinnut savaateqarnermi tuttuuteqarnermilu ingerlatsinermi atorneqartunut killilersuinerup erseqqissarneqarnissaa pisariaqarsimavoq. Siunnersuutigineqarpoq qamutit motoorillit savaateqarnermik tuttuuteqarnermillu

inuussutissarsiornermut atorpeqartut, nunaqarfiup imaluunniit illoqarfiup killingata iluaniippata akitsuusersorneqassanngitsut. Allannguummilli tamatuminnga qamutit motorillit akitsuusaanngitsut ikalisarnissaat anguniarneqanngilaq.

Qamutit motorillit taamaallaat innaallagissamik brintimillu ingerlateqartut kiisalu plug-in hybridbiilit, batteriiniq immeqqittakkanik nukissiamut katersivillit ullumikkut qamutit motorillit taamaallaat innaallagissamik brintimillu ingerlatillit eqqunneqarneranni nioqqutis-saniq eqqussuinermi akitsuummik aamma qamutit motorillit akileraarutaannut ilaatinneqanngillat, takuuk 2018-imut Aningaasanut Inatsimmi konto pingaarnernut 24.11.10 aamma 24.11.11 oqaasertaliussat.

Biilit innaallagissamik ingerlatillit, brintimik ingerlatillit kiisalu plug-in hybridbiilit akitsuusiivigineqarnissaat siunnersuutigineqarpoq, biilit ullumikkut Nuummi illoqarfinnilu annerusuni allani qamutitut motorilinnut nalinginnaasunut immikkut piviusorsiorumik periarfissaapput, taakkunanimi attaveqaatitigut atortussiat pigineqarput, tassani batteriitut immiiviit ilanngullugit. Biilit oqimaassusiat aammalu taakkununnga nalinginnaasumik akigitat tunngavigalugit biilinet nalinginnaasunut akitsuuteqartitsisoqassasoq siunnersuutigineqarpoq.

Aammattaq qamutit motorillit nunakoorutit mikinerit snescooterillu qamutiniq motorilinnik akitsuuteqartussaataasunik nalunaarsorsimaffimmut ilanngunneqassasut siunnersuutigineqarpoq. Taamaattorli akitsuut kr. 0,00-inut aalajangersarneqarpoq. Ullumikkut qamutitut motorilinnut nunakoorutitut mikinerit akitsuutit qamutitut motorilinnut sisamanik assakaasulinnut akitsuutit annertoqatigaat.

Siunnersuutaavoq qamutiniq motorilinnik piginnittoq akiliummik ukiumoortumik qamutit motorillit igitassanngortinneqartussanngorpata matussutissaajumaartussamik akiliisassasoq kiisalu biiliniq pisoqalisunik eqqortumik tunniussinermi igitassanngortitsinerit ajunngitsorsiasanik akiliuteqartoqassasoq. Inuit biili biililluunniit assartuutit nalinginnaasut agguaqatigiissillugu ukiut 15-it missaanni atorpeqareeraangamik atorsinnaajunnaartartut naatsorsuutigineqarpoq. Tamanna tunngavigalugu qamutit motorillit nalinginnaasut akileraarutaat maanna atuuttut igitassanngortitsinerit akiliummik ukiumut 400 kr.-inik ilaneqassasut, qamutit motorillit innaallagissamik brintimilluunniit ingerlatillit ukiumut 1.000 kr.-inik, plug-in hybridbiilit 800 kr.-inik kiisalu qamutit motorillit nunakoorutit mikinerit 200 kr.-inik akitsuuteqartinneqassasut siunnersuutigineqarpoq. Igitassanngortitsinerit akiliut taamaalilluni siusissukkut akilerneqartassaaq, akileraarutinillu akiliisussaasoq biiliniq igitassanngortitsiguni kommunimut akiliisussaassanani, akerlianillu igitassanngortitsinerit ajunngitsorsiasaqartinneqassalluni.

Aaqqissuussineq taamaattoq avatangiisinik eriarinninnissamik pingaartitsinerit aammalu biilit eqqortumik igitassanngorlugit tunniunneqarnissaannut kajumissuseqalersitsissaaq.

Kommuneqarfik Sermersooq aammalu Pinnngortitamut Avatangiisinullu Naalakkersuisoqarfik qamutiniq motoorilinnik isumannaatsumik igitassanngortitsinermit akiusooq misissorpaat. Tassunga atatillugu kommunimit inerniliunneqarpoq igitat nunamit annillugit assartorneqarnerat 5.000 kr.-it missaannik akeqassasoq. Pinnngortitamut Avatangiisinullu Naalakkersuisoqarfimmit oqaatigineqarpoq biilip nunap immikkoortuani sumi tunniunneqarnera apeqqutaatillugu aningaasartuutit nikerarsinnaasut, taamaattumillu akitsuutip appasitsippallaannginnissaa pingaaruteqartoq. Ukiuni siullerni ukiut 15-it aallaavigalugit naatsorsorneqartunut sanilliullugu piffissami sivikinnerusumi igitassanngortitsinermit akiliummik taamaallaat akiliisoqarsimatillugu biiliniq atorunnaartunik tiguisoqartassasoq. Aammattaaq aaqquissuussinerup ingerlanneqarneranut atatillugu allaffissornikkut aningaasartuutit akiliummit matussuserneqassapput. Aaqquissuussineq naatsorsuutigisanut sanilliullugu siunissami aningaasanik sinneqartooruteqarfiussappat taakku nunatsinni eqqaaveqarfinni biiliniq atorunnaakkanik piiaanissamut aammalu nunatsinni tigooraaviit pitsanngorsarneqarnissaannut atorneqassapput.

Igitassanngortitsinermit akiliut aammalu igitassanngortitsinermit ajunngitsorsiasat pillugit malittarisassat atuutsinneqalernissaat avatangiisinut aningaasaateqarfik pillugu malittarisassat atuutsinneqalersinnaanerannut ilutigitillugu pissasoq siunnersuutigineqarpoq. Taamaaliornikkut aaqquissuussinerup Avatangiisinut aningaasaateqarfimmit aqunneqarnissaata naatsorsuutigineqarnera eqqarsaatigineqarpoq, tulliuttuni imm. 3-mi erseqqinnerusumik taakku atuarneqarsinnaapput.

Qamutit motoorillit akileraarutaannik akiliiffissatut piffissaliussap kinguartitaanerata sunniutigisarpaa, akiliisussat ilaasa akiliinissaminnik ullut akiligassanngorfiusut 1. aprilip aamma 1. oktoberip kingorna qaammatip ulluisa 20-annut utaqquissussisarnerat, taamaaliornermikkullu akileraarutit akilernerneqarnissaannut piffissami tassani akissaaruteratarsinnaasarlutik. Taamaammatt siunnersuutigineqarpoq piffissaliussaq sivitsugaq allannngortinneqassasoq, taamaalilluni kingusinnerpaamik qaammatip ulluani kingullermi akiliisoqartarluni. Ullut akiligassanngorfissat ullorlu piffissaagallartillugu akiliiffissaq kingulleq siunnersuut manna malillugu tassaassapput ulloq 30. april aamma 31. oktober.

Siunnersuut inatsimmut atuuttumut sanilliullugu	
Oqaasertai atuuttut	Inatsisissatut siunnersuut
	§ 1
	Qamutit motoorillit akileraarutaat pillugit Inatsisartut inatsisaanni nr. 3, 16. juni 1987-imeer-sumi, ilaatigut Inatsisartut inatsisaatigut nr. 7, 11. november 2004-meersukkut, Inatsisartut inatsisaatigut nr. 10, 3. december 2012-imeersukkut,

	kingullermillu Inatsisartut inatsisaatigut nr. 8, 29. november 2013-imeersukkut allanngortinneqartumi makku allannguutigitinneqarput:
<p>§ 1, imm. 2. Akileraarummilli akiliisussaangitsut tassaapput:</p> <ol style="list-style-type: none"> 1) qamutit motorillit qatserutit annaassiniutillu, 2) napparsimmaveqarfiup napparsimasunik angallassissutai, 3) qamutit motorillit nunat allamiut aallartitaqarfiinit imaluunniit konsuleqarfiinit imaluunniit aallartitaqarfimmi sulisunit qallunaatut innuttaassuseqanngitsunit pigineqartut, aammalu 4) qamutit motorillit savaatillit tuttuutillillu sulinerannut atorneqartartut, savaateqarfiit tuttuuteqarfiillu illoqarfiit nunaqarfiillu avataanni inissisimasut sumiiffinnilu taak-kunani qamutit motorillit arlaqanngitsuinnaat pigineqarpata. 	<p>1. § 1, imm. 2 ima oqaasertalerneqassaaq: ”Imm. 2. Akitsuuserneqartussaangitsut makkuupput:</p> <ol style="list-style-type: none"> 1) qamutit motorillit qatserutit annaassiniutillu kiisalu qamutit motorillit ikiuiartorasuaatit politiillu biilii, 2) napparsimmaveqarfiup napparsimasunik angallassissutai, 3) qamutit motorillit nunat allamiut aallartitaqarfiinit imaluunniit konsuleqarfiinit imaluunniit aallartitaqarfinni sulisunit qallunaatut innuuttaassuseqanngitsunit pigineqartut, aamma 4) qamutit motorillit, savaateqarnermik, nersussuaateqarnermik tuttuuteqarnermilluunniit inuussutissarsiornermut assigisaannullu sulinermut atatillugu pigineqartut atorneqartullu.”
<p>§ 2, imm. 1. Akileraarutit ukiumut angissuseqarput:</p> <ol style="list-style-type: none"> 1) Qamutit motorillit 1.000 kg-t angullugit oqimaassusillit: kr. 6.554. 2) Qamutit motorillit 1.001 kg-niit 1.200 kg-t angullugit oqimaassusillit: kr. 10.049. 3) Qamutit motorillit 1.201 kg-niit 1.500 kg-t angullugit oqimaassusillit: kr. 10.747. 4) Qamutit motorillit 1.501 kg-niit 1.800 kg-t angullugit oqimaassusillit: kr. 15.231. 5) Qamutit motorillit 1.800 kg sinnerlugit oqimaassusillit: kr. 17.575. 6) Motoreykelit: kr. 3.540. 	<p>2. § 2, imm. 1 ima oqaasertalerneqassaaq: ” Akileraarutit ukiumut angissuseqarput:</p> <ol style="list-style-type: none"> 1) Qamutit motorillit, tassungalu ilanngullugit qamutit motorillit taamaallaat innaallagissamik brintimilluunniit ingerlatillit kiisalu plug-in-hybridbiilit batteriinik innaallagissamik immeqqinneqarsinnaasunik ingerlatillit 1.000 kg tikillugu oqimaassusillit: kr. 6554. 2) Qamutit motorillit, tassungalu ilanngullugit qamutit motorillit taamaallaat innaallagissamik brintimilluunniit ingerlatillit kiisalu plug-in-hybridbiilit batteriinik innaallagissamik immeqqinneqarsinnaasunik ingerlatillit 1.001 kg-mit 1.200 kg-mut oqimaassusillit: kr. 10.049. 3) Qamutit motorillit, tassungalu

	<p>ilanngullugit qamutit motorillit taamaallaat innaallagissamik brintimilluunniit ingerlatillit kiisalu plug-in-hybridbiilit batteriinik innaallagissamik immeqqinneqarsinnaasunik ingerlatillit 1.201 kg-mit 1.500 kg-mut oqimaassusillit: kr. 10.747.</p> <p>4) Qamutit motorillit, tassungalu ilanngullugit qamutit motorillit taamaallaat innaallagissamik brintimilluunniit ingerlatillit kiisalu plug-in-hybridbiilit batteriinik innaallagissamik immeqqinneqarsinnaasunik ingerlatillit 1.501 kg-mit 1.800 kg-mut: kr. 15.231.</p> <p>5) Qamutit motorillit, tassungalu ilanngullugit qamutit motorillit taamaallaat innaallagissamik brintimilluunniit ingerlatillit kiisalu plug-in-hybridbiilit batteriinik innaallagissamik immeqqinneqarsinnaasunik ingerlatillit 1.801 kg-mit oqimaassusillit: kr. 17.575.</p> <p>6) Motorcykelit: kr. 3.540.</p> <p>7) qamutit motorillit nunakkoortit mikinerit sisamanik amerlanernilluunniit assakaasullit: kr. 0,00.</p> <p>8) Snescooterit: kr. 0,00.</p>
<p>§ 2, imm. 2. <i>Imm. 2.</i> Akileraarutit, ukioq affakkaarlugu siumut akilernerqartartussat 1. april aamma 1. oktober akiligassanngortassapput, piffissaagallartillugu akiliiffissaq tassaalluni qaammammi akiliiffissami ullut 20-issaat. Piffissaagallartillugu akiliiffissaq nalliuttuuppat arfininngornerulluniluunnit akiliiffissaq ulluinnarmut tullermut kinguartinneqassaaq.</p>	<p>3. § 2, imm. 2 ima oqaasertalerneqassaaq: ”<i>Imm. 2.</i> Akileraarutit ukioq affakkaarlugu siumut akilernerqartartussat 1. april aamma 1. oktober akiligassanngortassapput, piffissaagallartillugu akiliiffissaq tassaalluni 30. april aammalu 31. oktober. Piffissaagallartillugu akiliiffissaq arfininngorneruppat, sapaatiuppat nalliuttuuppalluunniit akiliiffissaq ulluinnarmut tullermut kinguartinneqassaaq.”</p>
<p>§ 2, imm. 4. <i>Imm. 4.</i> Akileraarutinut akiligassat akilernerqanngitsut Kalaallit Nunaanni eqqartuussisarnermi inatsimmi kap. 7, akileraarutit akitsuutillu piumasarineqartut pinngitsaaliinikkut akilersinniarneqarsinnaaneriniq imaqartoq,</p>	<p>4. § 2, imm. 4 ima oqaasertalerneqassaaq: ” <i>Imm. 4.</i> Akitsuutinut akiligassat Kalaallit Nunaanni eqqartuussisarneq pillugu inatsimmi kap. 47 akileraarutinut akitsiitnullu akiligassat pinngitsaaliilluni akiliisitsinermi malittarisassat naapertorlugit pinngitsaaliissumik</p>

<p>tassani ilaalluni aningaasat akiligassalimmut tunniunneqartut unerartitsiffigineqarsinnaanerat, naapertorlugu akilersinniarneqarsinnaapput.</p>	<p>akilersinneqarsinnaapput.”</p>
	<p>5. § 2-p kingorna ilanngunneqassaaq: ” § 2 a. Qamutinut motorilinnut § 2, imm. 1-imi ilaatinneqartunut atatillugu igitassanngortitsinermi akiliut ukiumoortumik akilerneqartassaaq: Imm. 2. Igitassanngortitsinermi akiliutit makkuupput: 1) Qamutit motorillit § 2, imm. 1, nr. 1-6-imi ilaatinneqarput, tamatumani pinnagit qamutit motorillit taamaallaat innaallagissamik brintimilluunniit ingerlatillit kiisalu plug-in-hybridbiilit batteriinik innaallagissamik immeqqinneqarsinnaasunik ingerlatillit: kr. 400. 2) Qamutit motorillit taamaallaat innaallagissamik brintimilluunniit ingerlatillit : kr. 1.000. 3) Plug-in-hybridbiilit batteriinik innaallagissamik immeqqinneqarsinnaasunik ingerlatillit: Kr. 800. 4) Qamutit motorillit nunakkoorutit mikinerit sisamanik amerlanernilluunniit assakaasullit snescooterillu: kr. 200 Imm. 3. § 2, imm. 2-4-mi aalajangersakkat igitassanngortitsinermi akiliummut aamma atuupput.”</p>
	<p>6. § 2 a-p kingorna ilanngunneqassaaq: ” § 2 b. Qamutit motorillit nalunaarsorsimaffimmit peerneqarlutillu eqqakkanik passussivimmut tunniunneqarneranni qamutinut motorilinnut § 2, imm. 1 naapertorlugu akitsuuteqartitaasunut piginnittoq kommunimit ajunngitsorsianik tunineqassaaq. Imm. 2. Ajunngitsorsiassat ima annertussuseqarput:</p>

	<p>1) Qamutit motorillit § 2, imm. 1, nr. 1-6-imi ilaatinneqarput, tamatumani pinnagit qamutit motorillit taamaallaat innaallagissamik brintimilluunniit ingerlatillit kiisalu plug-in-hybridbiilit batteriini innaallagissamik immeqqinneqarsinnaasunik ingerlatillit: kr. 1.000.</p> <p>2) Qamutit motorillit taamaallaat innaallagissamik brintimilluunniit ingerlatillit: kr. 2.500.</p> <p>3) Plug-in-hybridbiilit batteriini innaallagissamik immeqqinneqarsinnaasunik ingerlatillit: kr. 2.000.</p> <p>4) Qamutit motorillit nunakkoorutit mikinerit sisamanik amerlanernilluunniit assakaasullit snescooterillu: kr. 500.”</p>
	<p>7. Inatsisartut inatsisaata danskisuuani tamarmi ”Landsstyret” ima allannngortinneqassaaq: ”Naalakkersuisut”.</p>
	<p style="text-align: center;">§ 2</p> <p>Inatsisartut inatsisaat ulloq 1. januar 2019 atuutilissaaq, taamaattorli tak. imm. 2 aammalu siullerpaamik atuutissalluni piffissamut akileraarfiusumut 1. april 2019-imiit 30. september 2019-imut tunngatillugu akileraarutissamut ullormi 1. april 2019-imi akiligassanngortussamut.</p> <p><i>Imm. 2.</i> Siunnersuummi nr. 5 aamma 6-ip piffissaq atuutilerfissaat Naalakkersuisut nalunaarutikkut aalajangersassavaat.</p>

3. Pisortanut aningaasaqarnikkut allaffissornikkullu sunniutissai

Qamutinik motorilinnik nunaannakkoorutini minnerusunik sisamanik amerlanerniluunniit assakaasulinnik eqqussinermit akitsuuteqartitsinngikkallernerup kingunerissagaa iluanaarutinit 2 mio. kr.-it missaannik annaasaqarnissaaq naatsorsuutigineqarpoq.

Biilinu innaallagissamik ingerlatilinnut aammalu plug-in hybridbiilinu qamutinu motorilinnut akitsuummit nutaamit isertitat siunissami 4 mio. kr.-it missaannik

iluanaaruteqarfiussasut naatsorsuutigineqarpoq. Pluginbililiinnaat 1.800 kg sinnerlugit oqimaassusillit 3 mio. kr.-it missaannik iluanaaruteqarfiussapput.

Siunissaq ungasinnerusoq eqqarsaatigalugu atuisut pisiortoriaasaata allanngoriartornera iluatigalugu iluanaarutit 1 mio. kr.-it missaanniissasut naatsorsuutigineqarpoq. Igitassanngortitsinermi akiliut qamutit motorillit atorsinnaajunnaartut igitassanngortinneqarnerannut aningaasartuutitut matussutaasussanik isertitaqaataassaaq, taamaammallu iluanaarutaasussaannerusut taakkunanga nungunneqartarnissaat naatsorsuutigineqarpoq.

Igitassanngortitsinermit akiliummit isertitat biilnik atorunnaartunik avatangiisinut mingutsitsissutaanngitsumik passussinermit kommunit aningaasartuutaannut matussutaassapput. Igitassanngortitsinermit akiliutitut isertitat avatangiisinut aningaasaateqarfimmut nuunneqassapput, taanna avatangiisinut aningaasaateqarfik pillugu Inatsisartut inatsisissaattut siunnersuut naapertorlugu pilersinneqassappat. Avatangiisinut aningaasaateqarfiliortoqanngitsooraluarpat akiliutit Akileraartarnermit Aqutsisoqarfimmit aqunneqassapput.

Isertitat allat Inatsisartut inatsisaat naapertorlugu akiligassanngortinneqartut Nunatta Karsiata nalinginnaasumik naatsorsuutaani nalunaarsorneqartassapput .

Innuttaasut biiliminnik atorsinnaajunnaartunik igitassanngortitsisarnissaminnik orniginninnerulernissaat siunnersuutip kingunerissagaa naatsorsuutigineqarpoq. Tassunga uiggiullugu aamma naatsorsuutaavoq siunnersuut kommunit, igitassanngortitanik isumaginnittuusussat allaffissornerannut sunniuteqassasoq. Tamannali kommuninut aningaasatigut sunniuteqartussaangilaq, igitassanngortitsinermit aningaasartuutitut Nunatta Karsianit matussuserneqartussaammata.

Aamma tamanna Naalakkersuisut, igitassanngortitsinermit akiliummik aqqissuussinermit isumaginnittuusussat allaffissornerannut annertunngitsumik sunniuteqassangatinneqarpoq.

4. Inuussutissarsiornermit aningaasaqarnikkut allaffissornikkullu sunniutissai

Siunnersuut inuussutissarsiutinik ingerlataqartunut, qamutinik motorilinnik taamaallaat innaallagissamik brintimillu ingerlatilinnik kiisalu plug-in hybridbiilnik atuereersunut aningaasatigut sunniuteqassaaq, taakkumi qamutit motorillit akitsuutaannik maanna akiliisalersussaammata. Taamattaq igitassanngortitsinermit immikkut aningaasartuuteqartoqartalernikkut siunnersuut namminersorlutik inuussutissarsiortunut aningaasartuuteqarnerutissaaq. Namminersorlutilli inuussutissarsiuteqartut aningaasartuutiminnik akiliutiminnillu ingerlatsinermit aningaasartuutitut ilanngaateqarsinnaammata, tassunga atatillugu akitsuutinik qaffaanerit tamakkiisumik

sunniuteqassanngillat. Aammattaaq igitassanngortitsinerlutik akiliut namminersorlutik inuussutissarsiutillit qamutinik mootorilinnik siunissami igitassanngortitsinissamut atatillugu aningaasartuuteqaataasussaannngitsunit matussuserneqassaaq.

Namminersorlutik inuussutissarsiutinik ingerlataqartunut allaffissornikkut sunniuteqassanngatinnegannilaq.

5. Avatangiisinut, pinngortitamut inuillu peqqissusaannut sunniutissai

Siunnersuut ilaatigut biilit innaallagissamik ingerlateqartut annertunerusumik ingerlatsinermi aningaasartuuteqalernissaannik nassataqartussatut ilimagineqarpoq, tamatumalu biilnik innaallagiatortunik tuniniaaneq sunnersinnaavaa, qamutinillu mootorilinnik nalinginnaasunik amerlanerusunik eqquusuilernermit nassataqarsinnaalluni, taamaattoqarneranilu partikilnik navianartunik silaannarmut aniatitsinerup annertusisinnaanera aarlerinaateqarpoq.

Plug-in hybridbiilit qamutinut mootorilinnut akitsuummumut ilanngunneqarnissaat plug-in hybridbiilit siaruariartornerannik annikinnerulersitsissasoq ilimagineqarpoq. Manna tikillugu plug-in hybridbiilit avatangiisinut pitsaaqutai nalornissutaapput, taamaammallu siunnersuutip partikilnik aniatitsinerlutik sunniutissaa siumoortumik oqaatigiuminaalluni.

Qamutit mootorillit nunakkoortit minnerit qamuteralaalullu akitsuummumut ilaajunnaarsinnissaannik siunnersuuteqarneq, taakku atugaanerini annertuseriartitsisussatut ilimagineqarpoq, taamaalillunilu qamutinit mootorilinnit taakkunanga CO₂-mik aniatitsinerulernermit nassataqassaaq.

Suujunnaarsitsisarnermut aqqissuussinermit atuutilersitsineq avatangiisinut pitsaasunik kinguneqassanngatinnegarpoq, biilimmi maangaannaq inissinneqartartut ajornartorsiutaanerannik qaangiinissaq siunertaammat. Siunnersuutip kingunerisaanik qamutit mootorillit nutaanngitsut atorsinnaajunnaarsimasullu aqqusinerniiginnarunnaariartornissaat naatsorsuutigineqarpoq, qamutimmi mootorillit kommunimi najukkami akiliinani igitassanngortinneqarsinnaalernissaat qamutinik mootorilinnik igitassanngortitsinissamut pilerinarsaataassammat.

6. Innuttaasunut sunniutissai

Siunnersuut igitassanngortitsinerlutik akiliutit kingunerisaanik innuttaasunut aningaasaqarnikkut annikinnerusumik ammut sunniuteqassasoq nalilerneqarpoq. Innuttaasut qamutinik mootorilinnik pigisaqarnermut atatillugu ukiumoortumik aningaasartuutaat 200-1000 kr.-inik amerlissapput.

Innuttaasut qamutinik mootorilinnik akileraarutinik maannamut akiliisussaasimannngitsut inatsisip atuutilernerata kingorna akileraarutinik ukiumoortumik akiliisalissapput.

Innuttaasut allaffissornikkut sunnerneqassangatinneqanngillat.

7. Sunniutit allat annertuut

Inatsisissatut siunnersuut allanik annertuunik sunniuteqassangatinneqanngilaq.

8. Oqartussaasunik, kattuffinnik il.il. tusarniaaneq.

Siunnersuut piffissami 13. juunimit 10. juulimut 2018 makkunani tusarniutigineqarpoq: Kommuneqarfik Sermersooq, Kommune Kujalleq, Qaasuitsup Kommunia, Qeqqata Kommunia, Sulisitsisut, NUSUKA, SIK, Inuussutissarsiornermut Nukissiuuteqarnermullu Naalakkersuisoqarfik, Peqqissutsimut Iisimatusarnermullu Naalakkersuisoqarfik, Pinngortitamut Avatangiisinullu Naalakkersuisoqarfik, Ilinniartitaanermit, Kultureqarnermut Iisimatusarnermullu Naalakkersuisoqarfik, Isumaginninnermut Inatsisinillu Atuutsitsinermit Naalakkersuisoqarfik, Aalisarnermut Piniarnermut Nunalerinerullu Naalakkersuisoqarfik, Ineqarnermut Attaveqatigiinnermullu Naalakkersuisoqarfik, Aatsitassanut, Suliffeqarnermut Nunamilu namminermit Pissutsinut Naalakkersuisoqarfik, Nunanut Allanut Naalakkersuisoqarfik, Akilertaartarnermut Aqutsisoqarfik aamma Nukissiorfiit.

Tamatuma saniatigut piffissami tassani siunnersuut tusarniaanermut nittartakkami takuneqarsinnaavoq.

Piffissap tusarniaaffiusup naanerani tusarniaaffigisanit ukunanit tusarniaanermut akissutit tiguneqarput: Nunanut Allanut Naalakkersuisoqarfik, Isumaginninnermut Inatsisinillu Atuutsitsinermit Naalakkersuisoqarfik, Naalakkersuisut Siulittaasuata Naalakkersuisoqarfia, Pinngortitamut Avatangiisinullu Naalakkersuisoqarfik, Inuussutissarsiornermut Nukissiuuteqarnermullu Naalakkersuisoqarfik, KNAPK, Kommuneqarfik Sermersooq, Sulisitsisut, Arctic Star ApS, AutoNord ApS, Nukissiorfiit, Aatsitassanut, Suliffeqarnermut Nunamilu namminermit Pissutsinut Naalakkersuisoqarfik aamma Kommune Kujalleq.

Tamatuma saniatigut innuttaasut arlallit siunnersuummik tusarniaanermut akissuteqarput.

Tusarniaanermut akissutit ilanngussami ilanngunneqartumi takuneqarsinnaapput.

Inatsisissatut siunnersuummi aalajangersakkanut ataasiakkaanut nassuiaatit

§ 1-imut

Nr. 1-imut

Politiit ikiuiartorasuaataasa alapernaarsuinerminnilu biiliisa akitsuutinik akiliisussaatinneqannginnissaat siunnersuutigineqarpoq.

Ikiuiartorasuaatit alapernaarsuinermilu biilit qamutitut motorilittut paasineqassapput, politiit ilaatigut isertitsivimmiittunik tigummigallagaasunilluunniit angallassinermut atortagaat.

Aammattaaq qamutit motorillit tuttuuteqarfinni, nersussuaateqarfinni, savaateqarfinni assigisaannilu atorneqartut akitsuusigaannginnerat aamma atuutissasoq siunnersuutigineqarpoq, inuussutissarsiummik ingerlatsineq illoqarfiup imaluunniit nunaqarfiup killingata iluaniippat.

Ingerlatap inuussutissarsiutitut pingaarnertut ingerlanneqarnissaa akitsuuteqartitsinnissami piumasqaataavoq. Tassani isertitanit tamarmiusunit 50 procentimit amerlanerusut tuttuuteqarnermit, savaateqarnermik nersussuaateqarnermillu isertitaanerat pineqarpoq.

Nr. 2-mut

Qamutit motorillit taamaallaat innaallagissamik brinitimilluunniit ingerlateqartut kiisalu plug-in hybridbiilit ukiumut akitsuummik akiliisinneqartarnissaat siunnersuutigineqarpoq. Qamutinut motorilinnut allanut atuuttut qamutit motorillit oqimaassusiat naapertorlugu aammalu annertussuserititat nalinginnaasut malillugit akitsuut aalajangersarneqartassasoq siunnersuutigineqarpoq.

Aammattaaq qamutit motorillit nunakkoorutit mikinerit sisamanik amerlanernilluunniit assakaasullit kiisalu snescooterit qamutit motorillit akitsuuteqartussaataasut nalunaarsorneqarneranni ilanngunneqassasut siunnersuutigineqarpoq. Akitsuut kr. 0,00-inut aalajangersarneqarpoq.

Aalajangersakkami assersuutigalugu ilanngunneqarput ATV-t aamma UTV-t tassaasut qamutit motorillit immikkut ittut nunaannarmi ingerlanissamut tulluarsakkat, taamaattumillu mangertumi assersuutigalugu betonimi imaluunniit asfaltimi ingerlanissamut tulluarsagaanngitsut. Qamutit motorillit sisamanik assakaasoqarajupput kiisalu minnerusumik usinut ilitsiveqarsinnaallutik. Qamutit motorillit aquunneqartarput motorcykelit aquutaasa assinganik aquuteqarlutik.

Nr. 3-mut

Siunnersuutigineqarpoq ullut piffissaagallartillugu akiliiffissat tassaassasut ulloq 1. april aamma 1. oktober aammalu ullut akiligassanngorfissat kingulliit tassaassasut ulloq 30. april aamma 31. oktober.

Piffissaagallartillugu akiliiffissaq nalliuttuuppat arfininngornerulluniluunniit, akiliiffissaq uluinnarmut tullermut sivitsorneqassaaq.

Nr. 4-mut

Inatsisartut inatsisaanni atuuttumi § 2, imm. 4-mi innersuussutigineqarput Kalaallit Nunaanni eqqartuussisarnermi inatsimmi kap. 7-imi maleruagassat pinngitsaaliinikkut akilersinniarneqarsinnaaneriniq imaqartut. Pinngitsaaliilluni akiliisitsineq akileraarutitut akitsuutinullu piumasagaatit allat assigalugit ingerlanneqarsinnaavoq.

Eqqartuussisarnermi inatsit qanga atuuttoq innersuussinermi pineqarpoq. Akileraarutit akitsuutillu piumasarineqartut pinngitsaaliinikkut akilersinniarneqarsinnaaneri pillugit maleruagassat Kalaallit Nunaanni eqqartuussisarnermi inatsimmi maanna atuuttumi (Lov nr. 305, 30. april 2008-meersumi) kapitali 47-mi allaqqapput.

Innersuunneqartup allanngorsimanera aalajangersakkatut siunnersuutigineqartukkut aaqqinneqarpoq.

Nr. 5-imut

Aalajangersakkamik aalajangerneqarpoq, qamutitut motorilinnut tamanut, Inatsisartut inatsisaanni matumani akitsuutinik akiliiffissaatitaasunut, igitassanngortitsinermut akiliisoqartassasoq. Igitassanngortitsinermut akiliut ukiumut 400 kr.-iuvoq.

Qamutitut motorilinnut taamaallaat innaallagissamik imaluunniit brintimik ingerlatilinnut akitsuut ukiumoortumik 1.000 kr.-iuvoq aammalu plug-in hybridbiilinit akitsuut ukiumoortumik 800 kr.-iulluni. Akitsuutit qaffanneqarnerannut pissutaavoq bateerit il.il. passunneqarnissaannut aningaasartuuteqarnerunissaq. Biilinit allanut nunakkoorutitut mikinernut snescooterinullu akitsuut ukiumoortumik 200 kr.-iuvoq.

Nr. 6-imut

Inatsimmi § 1 naapertorlugu akitsuummik akiliisussaataasunik qamutitut motorilinnik piginnittoq taakkuninnga eqqakkanut passussivimmut tunniussinermi atillugu ajunngitsorsiaqqartinneqartassasoq matumani aalajangersarneqarpoq. Ajunngitsorsititsinermi qamutitut motorillit nalunaarsorsimaffimmit peerneqarsimanissaat Inatsisartullu inatsisaata atuutilernerata kingorna eqqakkanik passussivimmut tunniunneqarsimanissaat piumasagaataavoq.

Nr. 7-imut

Taaguut ”Landsstyret” Inatsisartut inatsisaata atuuttup danskisuuani § 1, nr. 3-mi aamma § 8, imm. 4-mi atorneqarpoq. Taaguutit Inatsisartut inatsisaanni atorneqartut aalajangersakkatut siunnersuut aqqutigalugu Namminersorneq pillugu inatsimmut naapertuuttunngortinneqarput.

§ 2-mut

Inatsisartut inatsisaat 1. januar 2019-imi atuutilissasoq siunnersuutigineqarpoq, taamaattorli siunnersuummi normu 5 aamma 6 igitassanngortitsinermut akiliummut igitassanngortitsinermullu ajunngitsorsiassanut tunngassutillit nalunaarutikkut aatsaat atuutsinneqalissasut siunnersuutigineqarluni.